



Broj: A-686/24

Dana, 03.10.2024. god.

Na osnovu člana 70. stav 1, 3, i 6. i člana 98. stav 4. Zakona o javnim nabavkama („Sl. glasnik BiH“, broj 39/14, 59/22 i 50/24) na preporuku Komisije za javnu nabavku od 01.10.2024. godine u postupku javne nabavke goriva za službena motorna vozila putem konkurentskog zahtjeva za dostavu ponuda sa namjerom sklapanja okvirnog sporazuma na tri godine sa jednim ponuđačem Ugovorni organ Okružno javno tužilaštvo Banja Luka, koji je nadležan za donošenje odluke, donio je:

## **ODLUKU**

### **o izboru najpovoljnijeg ponuđača**

#### **I**

Prihvata se preporuka Komisije za javne nabavke od 01.10.2024. godine i okvirni sporazum na tri godine za javnu nabavku goriva za službena motorna vozila za potrebe Okružnog javnog tužilaštva Banja Luka dodjeljuje se ponuđaču „NESTRO PETROL“ A.D. BANJA LUKA za ponudenu cijenu od 41.734,00 KM, bez PDV-a, kao najpovoljnijem ponuđaču.

#### **II**

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **III**

Okvirni sporazum o nabavci goriva za službena motorna vozila dostavit će se na potpis izabranom ponuđaču „NESTRO PETROL“ A.D. BANJA LUKA u roku od 10 (deset) dana od dana obavještanja učesnika postupka o izboru najpovoljnijeg ponuđača, u skladu sa članom 98. stav 4. Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: A-686/24 od 02.09.2024. godine. Javna nabavka je sprovedena po proceduri konkurentskog zahtjeva za dostavljanje ponuda, a obavještenje o nabavci broj: 315-7-1-65-3-17/24 objavljeno je na Portalu javnih nabavki Agencije za javne nabavke BiH dana 17.09.2024. god. i u „Službenom listu BiH“ broj 63/24 dana 20.09.2024. godine.

Kriterij za dodjelu ugovora je ekonomski najpovoljnija ponuda, a podkriterijumi su cijena -70% i operativni trošak - 30%.

Procijenjena vrijednost javne nabavke bez PDV-a je 49.000,00 KM.

Komisija za javnu nabavku dostavila je dana 01.10.2024. godine izvještaj o radu, zapisnik o pregledu i ocjeni ponuda i preporuku o izboru najpovoljnijeg ponuđača u postupku javne nabavke goriva za službena motorna vozila za potrebe Okružnog javnog tužilaštva Banja Luka.

Komisija je pravilno i potpuno izvršila ocjenu kvalificiranosti ponuđača, te ocjenu prispjelih ponuda, u skladu sa kriterijima iz tenderske dokumentacije o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda dvije (2);
- da su blagovremeno zaprimljene dvije (2) ponude;
- da nema neblagovremeno zaprimljenih ponuda;
- da su ponude ponuđača „SUPER-PETROL“ d.o.o. Banja Luka i „NESTRO PETROL“ a.d. Banja Luka prihvatljive i ispunjavaju sve tražene uslove iz tenderske dokumentacije, zakonskih i podzakonskih akata.

Obzirom da je ponuđač „NESTRO PETROL“ A.D. BANJA LUKA dostavio prihvatljivu ponudu sa najnižom cijenom i prilikom vrednovanja podkriterija „cijena“ dobio 70 bodova, a prilikom vrednovanja operativnih troškova dobio 30 bodova ( ukupno 100 bodova), a ponuđač „SUPER-PETROL“ d.o.o. Banja Luka koji je dostavio takođe prihvatljivu ponudu prilikom vrednovanja podkriterija „cijena“ dobio 66,72 bodova, a prilikom vrednovanja operativnih troškova dobio 20 bodova (ukupno 86,72 boda) Komisija je jednoglasno dala preporuku Ugovornom organu da zaključi okvirni sporazuma na tri godine sa ponuđačem „NESTRO PETROL“ A.D. BANJA LUKA koji je dostavio ekonomski najpovoljniju ponudu za ovu javnu nabavku.

Ukupna cijena ekonomski najpovoljnije ponude iznosi 41.734,00 KM bez PDV-a.

Uzimajući u obzir naprijed navedeno odlučeno je kao u dispozitivu ove odluke.

### **POUKA O PRAVNOM LIJEKU:**

Protiv ove Odluke dopuštena je žalba, koja se podnosi Ugovornom organu u roku od 5 (pet) dana od dana prijema Odluke, u skladu sa članom 99. i 101. tačka 5. ZJN BiH.

Prilog: Zapisnik o pregledu i ocjeni ponuda

### **DOSTAVITI:**

- Svim ponuđačima
- a/a



GLAVNI OKRUŽNI JAVNI TUŽILAC

Mladen Mitrović